

da blieradä keaschbam

ojwäuj graizlußdi
und draurŕ goa nie,
i šdee da wierä keaschbam
in eewigä bliie.

eng fräulä waan kkeaschn
schâ liewa ojs bbliie,
owä losds, dä glôan keefäl
un' dä anan liem diie,

dä wuueln und wojsln
af mie umadum,
ham êa gscheft und êa kuezwäuj
und singän sumsum.

und êanä sumsum
is ned gschaid, is ned dumm,
is ned sind, is ned frumm,
owä êea is hojd drum.

eng fräulä waan kkeaschn
schâ liewä ojs bbliie,
owä gejdds, dä glôan kefäl
und anan liiem diie.

was frong dä um kkeaschn
êea wäjd is dä bliie,
waßned zfreßn und zgneaschn,
mensch, das ghead eršd diie.

drum ojwäuj graizlusdi
und draurŕ goa niie,
i blaub šdêe wierä keaschbam
in eewigä bliie.